

研手經室集

第三
函八冊

擘經室續集卷八

文選樓詩存第十五

丁亥

男福注

宜園

梅花如屋竹如門
管領春光在此園
石徑不須倚筇杖
共來扶我有雙孫

正月廿日雪晴煮茶于竹林中題竹林茶隱卷
滇南才過立春節
已覺春光齊漏洩
忽然一夜北風來
捲落漫天玉花雪
我不見雪已八年
頗似故人成久別
今日東園雪滿林
翠柏青杉枝欲折
況是梅花四十株
冷玉寒香同沍結
年年茶隱竟成例
快雪時

晴日光熱竹林春氣透浮筠洗出檀欒綠尤潔王川
老婢來煮茶梅瓣雪泉試同啜借閒一日得披圖靜
坐幽篁自怡悅

命和原韻

男福

春雷早已催時節陞嶺雲蒸復雨洩雨餘天氣轉
春寒忽將夜雨飛成雪此景教人憶故鄉若憶嶺
南又殊別東園梅老花正繁花放隨枝勢盤折雪
花梅花成萬枝一片香光氣團結竹林又遇煮茶
時拾取松枝竈初熱一雙白鶴不避烟也識茶香
最清潔我家茶隱自年年兩弟今年未隨啜親

顏喜付與諸孫黃果如飴其甘悅

黃果形如粵中之橙香色味亦

相似

倚松書屋春祭齋居

屋前梅樹老於我窗後支牀皆古松晚階仍煮六安

茗早飯特剪東園菘西山朝來有爽氣太華

省西南大山名

太華夜碧聞清鐘終不悟道妙惟將戒慎持溫恭

仙館花臺欲栽牡丹價貴遂栽蜀葵

十戶中人賦換花此情曾動樂天嗟何如多買葵花

種終歲傾心向日華

滇中蜀葵自正月開至臘月

月來政簡頗耽滇園之樂詩以自警

舊遊無此好樓臺頗識前人費度裁一百餘年人遞
去八千里路我能來風亭月榭參差見仙館神祠次
第開止水怡容魚活潑閒階儘殼鶴毳毼騁懷端在
春三月涉趣何妨曰幾回筇杖試攜鏗翠石菜鋤親
把劃蒼苔鶯流燕蟄誰先到棠芾桃夭合共栽山磴
看山收畫本竹林隱竹伴茶杯抱書孫至還教拜擘
紙詩成不用催適意如斯籌遠否此翁未是鎮邊才

摘蔬

摘我園中蔬古人詩可味譬如齧菜根其香滌腸胃
我園春菜多綠畦隔花卉每看家僮鋤亦課園丁溉

折腰手親摘傾筐盈且堅呼兒共晚餐使識蔬筍氣
一家肉食者遠謀問能未豈可對陶詩不自慙其貴
此以澹性情非復計惠費若云拔園葵在今亦無謂

南雲行

仰看雲在天未辨行遲速今日穿雲跨嶺行豈知疾
過奔馬足平地風氣清吹雲天上行今日披雲動涼
氣始知風在雲中生山不見路惟見雲桃花梨花近
不分北雲壓山烏欲雨南雲映日紅氤氲下山直自
雲中落雲中之人輕似鶴翩然可是隔仙凡悵望山
頭挂雲脚我聞仙人乘雲兼御風仙家幻術安能通

不如安坐南雲下笑指此雲稱老翁

上巳日東川道中

導江已說岷山遠更遠岷山路萬重青海波瀾皆是

雪金沙雲氣尙疑冬

大江正源自青海入雲南爲金沙江行數千里始會岷江之水

于叙州

行春我到東川外佳節誰教上巳逢若把此川

當曲水一觴流去是巫峰

過以濯河

行過山巔又水涯山桃紅褪柳抽芽連村萬樹堆春

雪都是梨花頻果花

河在會澤縣

閱黔西威寧鎮兵

烏撒接烏蒙皆歸郡縣中山高森白石氣冷遲春風
寒食常多雪桃花也自紅古人誰在此故實竟空空
可渡橋夜月

橋東峻坂石突兀橋西行人鐙出沒一樓窗外萬山
深風弄溪聲洗春月春月竟是山中多百夷安樂春
氣和蠻花飛落山村坡兒女吹笙跳月歌
滇黔分
界處
橋在威寧
宣威二州

回省看宜園新綠

竟將萬綠換千紅祇在離家半月明清氣勝於花爛
漫午陰比似屋帡幪不嫌牆角山光隔更許橋頭水

色同惟有兩般難並綠一雙白鶴一皤翁

詠雙綠蝶

羅浮仙蝶若捉一蝶來則其雌雄雖遠必夜來相從福于東園得巨蝶全嫩綠色大如掌移之西書齋籬上是夜忽又有一綠蝶來相從東園去西齋數百步中隔數堂其踪跡頗似羅浮蝶滇人云鄉來未之見

雙雙來巨蝶蹤跡似仙家妙色頻婆果前身綠萼華

滕王圖未備烏足葉猶差見莊子疑是鬱棲化裙腰一

道斜諸書中言蝶罕言綠色者惟西陽雜俎言秀才顧非熊見鬱棲中壞綠裙幅化為蝶

綴家書後

寄知曾在嶺南人萬里滇池也送春兩月晴多初望

雨終朝風起不生塵
饑蚊飛蟻全無跡
夾帽重棉未
離身爽塏已瘳
雙足疾況於松鶴曰相親

頻果

有花曰優鉢有鳥曰頻伽
詰屈聞梵音便覺奇可誇
頻果乃大柰滇產尤珍
嘉首夏已堪食季夏皆如瓜
甘鬆若棉絮紅綠比玉瑕
或豔稱頻婆其言出釋家
譯語爲相思採蘭雜記果稱頻婆華言相思也
豈是思無邪何以竊
梵言呼我果與花因思譯性者謬恐千里差

孟夏草木長

孟夏草木長
莽莽滿一園
翳林高百尺
密蔭圍青垣

檉柳垂絡索覆瓦遮前軒新篁放萬葉稠綠葢石門
池上開紫薇池邊多樹蔭雜葵備五色爛漫花正繁
養魚有止水縱鶴無近樊園北雙古柏森然在高塹
登臺坐石几四山雲氣翻策杖過南圃籬落成野村
鷺巢樹枝穩密脾蜂韻喧瓜田引修蔓菜畦灌香根
摘蔬供晚飯獨樂靜無言試衍陶公詩可與陶公論

滇南小暑節

滇南五月氣猶清雲重爲陰輕復晴非夏非秋別成
景不涼不熱最怡情棉衣休用蒲葵扇花院全無竹
葦棚六十三年慣受暑幸將高爽快生平

閱盤龍江登雄川閣望滇池

曉出碧雞坊盤龍江路長
四山青過雨萬畝綠分秧
水利村村足天時日日涼
滇池環傑閣登眺滿華陽

小暑節賞菊

棉衣頗耐午陰涼
瓦盎花開老菊黃
不是石欄紅菡萏錯將小暑認重陽

滇南伏日

中伏新秋雨不爭
薄棉衣服過三庚
華山昆海風纔暖
冷雨輕雷氣又清
九夏竟無炎熱苦
四時常得暑寒平
遙思

殿閣微涼處笑我如懷獻曝情

立秋日敬一堂晚坐

天書爛漫懸中省畫戟清森繞節堂暑雨已晴秋月
轉紫薇花外桂花香

西臺

節院致爽軒軒扁爲福嘉勇公所題西南昔
有錫樓用白錫當瓦當板甚華麗登見西面
碧雞太華諸山且見平田耕穫今樓已無存
福兒用木架板爲方臺畧施梯欄費一流銀
遂還舊觀秋日登臨致有爽氣

吾遊惜未登太華却到華陽碧雞下

晉華陽國志兼滇蜀也金馬山

在省東碧雞山在省西

碧雞山接太華山西嶽峻嶒名可借

西省

南大山名太華

城裏深居隔山色可使高梯木成架金碧岑

樓再構難架木省工更廉價問名終是四方臺

爾雅曰四方而高

日臺

無瓦非樓亦非榭滇池六月常棉衣爽氣朝

來不知夏登臺萬丈列蒼巖遠見層坡近平壩

壩字見丁

度集韻滇人呼嶺路皆曰坡凡平土皆呼曰壩子

琳宮樵徑皆分明華浦青

青繞禾稼

城西滇水村名曰近華浦

吾衰尚可屢登陟不覺欄枕

怯腰胯把酒閒邀賓客歡攀花莫使兒童怕

臺旁有紫薇花

柱頰剛逢報早秋聞鐘竟可連清夜

臺南一里即鐘樓應更鼓晉書

王徽之傳曰直高視以手版柱頰云西山朝
來致有爽氣詩品曰太華夜碧人聞清鐘 黑水梁

州雲外流倒挽銀河半天瀉甲兵洗淨殪天狼弧矢

星明向西射

時回疆初平定

登西臺

登臺終日見昆華

滇人稱滇池曰海或曰昆海并太華山則稱曰昆華

恰好樓

臺住一家王嶺西橫皆是翠彩雲南現半成霞千村

綠稻真秋色十里清滇是海涯更比樂天州宅壯惜

無元九寄詩誇

元微之以州宅夸於樂天詩云四面常時對屏障一家終日住樓臺

以藜爲拄杖

養得青藜出短牆削成拄杖等身長扶人石徑去行

藥欄鶴松亭來咏糧早歲校書曾秘閣老年飲酒未
家鄉籬邊更待葫蘆落挂向枝頭學道裝

中秋宜園鐙月

小園蝶夢記秋亭

辛未在京寓阜成門內之上岡屋後小園有太常仙蝶來大人名園

日蝶夢

又是滇園夢蝶醒樹靜花涼秋浹沱鐙紅月白

意瓏玲頗來鄉思搖銀燭共寫詩心入紙屏更現中

庭香塢影似偕夢得上栖靈

揚州平山佛寺後堂有唐時栖靈塢故址白香

山有與劉夢得同登栖靈塢詩

暮登西臺看碧雞山色

夕陽山外沈暮色起山內似有烟氤氲亦非雲靄隸

初見青出藍繼復螺染黛凝碧已詫奇生翠亦可愛
更如紫電光劍鋒著霜淬碧雞王案邊隱隱有關塞
天成巨屏障濃色疇能續坐待明星生巖穴其昏晦

巡西邊曉發

西風曉起拓邊樓

省城西樓名

霜氣初來雨氣收繞過昆

池三十里碧雞關外萬山秋

由滇省城西三十里至碧雞關關在碧雞山之

凹山峙滇池西北

重九日登祿豐之鰲頭峰得伊莘農中丞寄贈

登鰲詩卽答

浪花卷出青鰲頭

大人自注昔登天台山頂有此句

舊句曾記天台